

M. PAULI JUUSTEN,
EPISC. QUONDAM AB.

CHRONICON EPISCOPORUM
FINLANDENSIVM,
ANNOTATIONIBUS ET SYLLOGE MONU-
MENTORVM ILLUSTRATVM.

CUJUS

PARTICULAM XXXVII,
CONS. FAC. PHILOS. R. ACAD. ABOËNSIS,
PRÆSIDE

M. HENRICO GABRIELE
PORTHAN,

ELOQV. PROFESSORE REG. ET ORD. R. ACAD. LITT. HUMAN.
HIST. ET ANTIQUIT. MEMBRO,

Publicæ bonorum censuræ submittit
PETRUS WALLENIUS,
Stip. Reg. Wiburgensis,

IN AUDITORIO MAJORT die VI. DECEMBER
A. MDCCXCIV,
Horis ante meridiem consuetis.

ABOË, Typis FRENCKELLIANIS.

THESES RESPONDENTIS.

Thes. I.

Proverbia nata quidem pleraque sunt ex observatione eorum quæ in vita humana fieri solent; sed quod tamen inductione nituntur sœpe incompleta, falsi quid illis haud raro immixtum esse videmus, nec illa satis accurate atque definite res proponere.

Thes. II. Qui Historiam Litterariam, cuius usus est eximius, eu-
jusque cognitio litterariorum cultori valde est necessaria, rite tractare vult,
Historiæ Civilis ignarus esse minime debet.

Thes. III. Quin situs ipse terræ Babylonicae ad Astronomiæ in-
ventionem contulerit, non dubitamus.

Thes. IV. Caussa cur homines Sacrificio mature adeo facere in-
situarent, illa fuisse videtur, ut gratum Deo testarentur animum.

Thes. V. Recte præcipiunt Philosophi, magnum esse ad felicita-
tem obtainendam adjumentum, si desideria nostra ad facultatem iis sa-
tisfaciendi attemperemus, & gaudiis facile parabilibus animum adse-
faciamus.

Thes. VI. Libertas & ab aliorum arbitrio atque nutu indepen-
dentialia, in quovis rerum nostrarum situ, tanto comparari major potest,
quanto paucioribus esse contenti discamus, quantoque nobis certiorema
illorum fruitionem, per industriam nostram reddere noverimus.

Thes. VII. Sententia illa Epicuri: Sapientem ad Rempublicam
accedere non debere, sed quietæ tantum voluptati inservire, parum
consulta fuit.

Thes. VIII. Rectissime Cicero: Nec domus, inquit, ulla, nec
Respublica stare potest, si in ea nec recte factis præmia extent ulla,
nec supplicia peccatis.

Thes. IX. Justa Honorum distributio, ut multum ad felicitatem
Reipublica tuendam facit, ita ad judicia civium de sapientia & justitia
Principis dirigenda, vehementer confert.

Thes. X. Concilia ad rei Christianæ salutem parum contulisse,
Historia luculenter docet.

Ex his literis manifestum fit, non modo *Conradum nostrum*, cum dignitate Episcopali ornaretur, solenni promissione juramento, ut aulam Romanam subinde (certis

D d d d in-

bravit ac alias illis se immiscerit: quare pro parte dicti Episcopi, qui, ut asserit, propterea a divinorum celebracione jam per annum abstinuit & ultra, prout abstinet de presenti & de premissis ab intimis dolet, nobis fuit humiliiter supplicatum, ut ipsum ab excessibus ac censoriis & penis premissis absolvere, ac secum super irregularitate per eum premissorum accione contracta dispensare, omnemque inhabilitatem & infamie maculam sive notam, ex premissis provenientem, abolerere aliasque statui suo in premissis oportune providere de benignitate apostolica dignaremur. Nos igitur attentes, quod sancta mater ecclesia nemini gremium claudat ad eam redeunti, volentesque eundem Episcopum favore prosequi graciofo, ac eum & ecclesiam prestatam a laboribus & expensis, quos eum subire oporteret limina predicta visitando, paternis studiis relevare, discrecionis tue per apostolica scripta mandamus, quatenus eundem Episcopum, si hoc humiliiter pecierit, ab excessu ac perjurio, nec non sententiis, censuris & penis predictis, auctoritate nostra hac vice duntaxat absolvas in forma ecclesie consuetu, injunctis inde sibi pro modo culpe penitencia satisfutari, & aliis que de jure injungenda, secumque super irregularitate predicta dispenses, aboleasque omnem inhabilitatis & infamie maculam, per eum premissorum accione contractam, non obstantibus premissis constitutionibus & ordinacionibus apostolicis ceterisque contrariis quibuscumque. Nos enim, si absolucionem, dispensacionem & abolitionem hujusmodi per te fieri-contigerit, ut preferetur, eidem episcopo, ut usque ad quinquennium a datis prefencium computandum, limina hujusmodi visitare non teneatur, auctoritate apostolica, presencium tenore indulgemus, ac ipsum episcopum a juramento predicho, quoad hujusmodi visitacionem, duntaxat dicto durante quinquennio, dummodo ad eam faciendam alias realiter non teneatur, dicta auctoritate absolvimus, volentes juramentum ipsum in ceteris aliis inviolabiliter observari. Datum Rome apud sanctum Petrum, anno incarnationis dominice MCCCCLXXXIII, decimo septimo Kalendarum Julii, Pontificatus nostri --- (anno undecimo). Registr. Eccles. Aboenf. Fol. 255. Annum quem expressimus offert ipse textus; sed in rubro ei premisso nostrum apographum habet 1473, (Pontificatus secundum): verius, ut videtur? Hujus Bullæ non meminit Nobiliss. A CELSE (Apparat. ad Hist. Sveo-Goth.).

interpositis intervallis), testandæ venerationis & obsequiū
causa, visitaret (599), quod tamen diu jam intermiserat,
gra-

(599) Hoc officium tanto videri sanctius debuit, quanto majus lumen ex talibus Episcoporum, in primis procul degentium, itineribus ad Curiam Romanam redundaret; ut instaurationem venerationis & obsequii, novis quasi vinculis subirde firmandi, taceamus. Igitur in formula Juramenti, quod Pontifici Romano præstare Episcopi, *Decretal.* L. II Tit. XXIV, C. IV jubentur, expresse illis injungitur, ut *Limina Apostolorum singulis annis, aut per se aut per certum nuntium visitent;* ubi Glossa addit: *vel rarius, juxta chirographum suum.* Ex quibus, ut & praxi nostrorum, patet, Episcopis, longius a Romana sede remotis, licuisse, longioribus etiam intervallis stata hujus officii peregrandi tempora sibi definire. Cumque eadem Glossa significet, obligationem illam ad Episcopos pertinere qui Papæ immediate subsunt, quales nostri non erant; hinc colligimus, his maiorem saltem præbitam fuisse in talibus indulgentiam. Sic in formula Juramenti quod præsticit *Matthias Electus Strengensis* (exhibita ab ORNHEJLMIO *Hist. Ecclesiast.* p. 516 sq.) legitur: *Apostolorum limina, Romana existente curia citra singulis annis, ultra vero montes, singulis bienniis visitabo, aut per me, aut per meum nuncium, nisi E. Apostolica absolvatur licentia.* Petro autem Archiepiscopo Upsaliensi non nisi *singulis trienniis* hoc officium perficiendum incubuisse, *curia citra montes existente,* ex literis apud DR. LAGERBRING (*Svea Rikes Hist. Del. 3, C. 5, §. 7, p. 353, not. 6*) legendis discimus; quin similes literæ, apud eundem (Del. 4, C. 6, §. 6, p. 298) reperiunde, Archiep. Upsal. *Henricum singulis tantum quadrienniis, Romana curia citra montes existente, sedem Apostolicam visitare necesse habuisse, docent.* Quamobrem, cum quinquenniū veniam ab hoc officio perfolvendo Papa Episcopo nostro concedat; non fuerit improbabile, hunc, dignitate Episcopali a Pontifice augendum, sepe obligatio, ad visitationis sive salutationis illud iter *singulis quinquenniis suscipiendum.* Facile autem intelligitur, periunde fere Pontificibus fuisse, utrum ipse, vel per legatum aliquem, Episcopus hoc officio fungeretur, modo nimis vacuas is non afferret manus. Ex iis quæ nuper disputavimus, guerras illas quæ *Conradum* a suscepto debito perficiendo impediabant, bellum fuisse quod cum R. *Christiano* suisque assecilis, tum capti Archiepiscopi tum R. *Caroli* amicis, ac deinde *Steno Sturius*, Regni Administrator gesserant, facile colligitur. Caussam qua niuum suum in R. *Christianum* obsequium Episcopus noster Papæ exclusavit, scilicet quod ab eo feuda teneret, adeoque ut Vasallus fidem ei deberet inviolatam; etiam impulisse nostrum, ut a. 1465 Regi *Carolo;* a factione in-

gravi hinc culpæ obnoxius; sed etiam conscientiæ quos-dam mortis ideo sensisse, quod Regi, *tum temporis, Danie & Sveciæ, (Christiano)*, a quo feuda tenebat, auxilio profectus, atque una cum eo obsidione clausus, familiares suos prælii discrimini objecisset, quo cuncti perierant. Ubi & quo tempore hoc factum sit, facillimum definitu non est. Sed cum tamen Regem ipsum, una cum Episcopo, obfessum fuisse, dicatur; *Stockholmia*, aut anno 1643 cum a rusticis tumultuantibus, ac postea ab Episcopo *Catillo*, oppugnaretur, aut anno sequente, cum ab eodem Episcopo ibidem obsidione premeretur (600), contigisse;

D d d d 2

neces-

nica regno spoliato, adversum sese gereret, atque assignato ei a rebellibus Castro Raseburgensi eum arceret, valde verisimile videtur, utpote qui hanc ipse arcem, beneficio R. Christiani sibi permissam, eo tempore, feudi jure teneret? Quam itaque a rebellibus, se inconsulto, alteri datam, si libenter huic tradere noluit; mirum hoc videri nequit. Postea tamen, rem melius edocet, Arcem ditionemque Raseburgensem (R. Christiano fortassis concio? cfr. *Chron. Rhythm. Majus* p. 479), *Carolo* tradidisse, noster reperitur. (Vid. *Chron. Rhythm.* p. 480 sq. & *Ol. Petri Chron. MS.* ad hos annos; a quibus res pluribus exposita habetur). Ac cum R. Christianus iterum regno abdicatus, fuisse, & Regi *Carolo* & Regni Administratori *Stenoni* fidem constantem Episcopus præstitit. Cæterum mox post redditum R. Caroli auctoritatem tamen ejus agnovisse, litera sua ad hunc Regem (a. 1464 die 9 Novembr.) datae testantur, a Nobil. LAGERBRING (*Saml. af Handl. i Svenska Hist.* 2 Del. p. 271 sqq.) exhibita, quibus se excusavit, quod Stockholmiam ad eum venire, sicut jussus erat, non posset; nisi ficta excusatione usum fuisse credas? Nescio an merito? Quum vero *Carolus* regnum brevi abdicasset, Episcopus, rebellium imperio spredo, *Christianum* ut verum dominum suum considerasse videtur, cuius injussu, arcem sibi creditam, quam neque *Carolus* sibi interim eripuerat, huic tradere noluit.

(600) Anno 1463 Episcopum nostrum Stockholmia fuisse, HUITFELDIUS etiam confirmat (*Danmarkis Rigis Krönicke* p. 898), qui inter Senatores Regni, quorum suffragiis nixus Rex Archiepiscopum custodiæ mandavit, nostrum enumerat. Regem ex Finlandia abeuntem comitatus esse videtur? Contra a. 1464 in Finlaudia mansisse, probabile

necessè est: quo gravius videri Episcopi delictum debuit, si moliminibus collegarum suorum se opposuit, qui pro liberando Archiepiscopo (*Johanne Benedicti*) contra Regem arma sumserant?

Ad merita Episcopi nostri de Clero atque Ecclesia sua, *Fragmentum Palmeskoldianum*, saepè nobis laudatum, (quod in vita *Conradi* desinit), duo addit momenta, nec ab Auctore nostro, nec aut a *MESSENIO* aut a *RHYZELIO* commemorata: nempe primum, *Infirmaryam* (h. e. *Noto-comium*) *Clericorum per eum tuisse fundatum*; quod institutum, utrum mox interierit, an postea etiam fuerit sustentatum, ac quam late se se extenderit? penitus ignoramus. Deinde eundem "etiam ob Divini cultus augmentum & animarum periculum evitandum, quam plurimos de novo instituisse ecclesiarum Curatos". Quod confirmandis iis quæ supra (p. 555 sq. not. 584) ex occasione conditarum ab illo ecclesiarum *Ijo* & *Akas*, disputavimus, egregie inservit (601).

In

est; quo anno non solum R. *Carolo* absentiam suam excusavit, initio Novembr. sed etiam Aboe præsens fuit cum Legifer uterque Finlandie Judicium Provinciale (*Lands-Ting*) ibidem haberet, *Förste Tisdagen* j fulle uiku fasto, ut verba sonant, quibus Jejunium quadragesimale significari putamus? Vid. *Regijr. Eccles. Aboëns.* Fol. 125. Neque igitur nomen suum inter Senatores Holmiæ eo anno versantes occurrit;

(601) Animi cauſſa sequens Inventarium penus Altaris Trium Regum, Episcopo nostro fedente conditum, & e *Reg. Eccles. Ab.* Fol. 191 descriptum, hic adjungemus "Anno Domini 1480 in crastino ascensionis Domini, tha vare thenne epþber seressne godhå men närfadie oceasandhe the stycken som var i heiga tre Konungha skrin, tha Mefþher Magnus Johannis Scholausefhare anamædhe skrineth till figh, þa myns herre Biscops veghna ok Capituli: Först Olaff Olafsson Rodiman, Hans van Askem, Gertrud van Bykken ok Bern skrifluare. Tha var ther inne i Siiff bullæ utan lok, item i siiff skoll utan lok, item 2

In præmium fidei sibi præstitæ singularis, Episcopus noster a. 1463 (die 8 Octobr.) a R. Chriftiano confirmationem nactus est Privilegiorum Cleri Ecclesiæque suæ amplissimam (602): quo igitur tempore (post ortos jam inter Regem & capti Archiepiscopi afleclas motus hostiles) Conradum Stockholmiae apud Regem degisse, verisimile est, atque stragem illam familiarium suorum, pro Rege dimicantium, de qua literæ Papæ nuper (p. 572 not. 598) adductæ commemorant, etiam contigisse, credas)? Nec multos adhuc optimatum, armis Episcopi Lincopensis (*Catilli Wafe*) rebellibus favisse, inde colligas, quod Regi, initio anni sequentis Stockholmiam redeunti, plurimi fidem suam offerrent (603).

Anno jam superiore (1462) R. Chriftianum petiisse Finlandiam, Aboamque invisiſſe, tradit Nobilis. VON DALIN, (*Svea R Hist.* 2 Del. 18 C. 6. §. p. 751) ad auctoritatem provocans *Chronici Rhytbum. Majoris*, ab HADORPHIO editi (604); sed anno demum sequente (1463) iter hoc Regis Fennicum fuisse suscepturn, nostra docent monumenta (605), adſtipulante etiam HUITFELDIO (*Danmarkis Rigis D d d 3* Krö-

"bestlagen horn, item I par althare liſther, item IIII alna blath fäther,
"item flax beligdhet breſſ. Til ytermere vitnisbyrdi ok viſſā, tha är
"thenne ſcriffther twa ordh från ordh lydhandhe, ſom foreſcriftuit
"ſtaar, aſſkaarnā vida thenne boktaſſua a b c d e f g h."

(602) Ex *Registro Eccles. A.* Fol. 34 descriptas litteras Regis legendas dedimus in *Folis Hebd. Ab. a. 1785. Append.* p. 83 fq.

(603) *Chron. Rhythm. Majus* ſuo modo canit: *Sva mange Riddare i Sverike boo, The jigha Konung Chriſtiern thera troo P. 472.*

(604) Ubi annus ab auctore expressus non reperitur, ſed HADORPHIUS annum 163 margini, ſeriorem adposuit quam par erat; ita acta hujus anni ad ſuperiorem male referens. Cfr. HUITFELD. l. c. p. 897.

(605) In literis Judicialibus Petri Swerdh & Chriſtierni Frille, Ju dicum Territorialium, de prædiis quibusdam Ecclesiæ Cathedralis lit-

Krönike p. 897), qui simul caussam hujus itineris a Rege suscepit, ex literis illius ad Papam (Dominica post festum Bartholomæi s. d. 28 Aug. ejusdem anni, post redditum, Stockholmia datis) hanc affert, quod *irruptionem Russorum impedita vellet, quam etiam feliciter averterat* (606). Russos quidem per ea tempora fines Fennorum, pro more, infestasse, literis quoque Episcopi *Conradi*, anno sequente ad R. *Carolum* datis (de quibus supra) confirmatur; sed irruptionem illorum a Rege *Christiano* adeo non fuisse impeditam, ut ferro igneque Careliam crudeliter vastaverint, indidem simul discimus (607): nisi a reliqua tamen *Finlandia* spolianda eos prohibuisse, existimare velis? Copiarum autem ex *Svecia* ad barbaros hosce reprimendos a Rege adductarum, nulla superest memoria.

In-

giosis lata, hæc verba occurrunt: - "Anno Domini MCDLXIII:o næsta
"daghen åpther sancta Margareta dagh (die 14 Julii) hiolt var na-
"dige Herre Konungh *Christiern*, met Gudz nadh, Sverikes, Norreges,
"Danmarks oc Götha Konungh, oc Rikesens Radh aff Sverige, Ristta-
"ringh vid Abo sloth met almogenom aff Österlandh," *Reg. Eccles.*
Ab. Fol. 141. Et in literis quibusdam *Matthiæ Sylte*, Civis Aboënsis,
datis "arum epter Gudz byrd MCDLXIII:o ok fempte dagin i Junii
"manadh" inter alia legitur: "Och nu i fiordh viid sancte Margarete
"dagh, then tiid högborin förste, vaar nadige Härre Konungh *Christiern*
"i landet var, &c."

(606) Verba Regis hoc modo adducit: "at som hand vaar udi
"Finland emod Rytzerne, at hindre deris Infald, huilkit (Gud Loff)
"oc skeedde."

(607) Scribit Episcopus: - "Pa sama tiidh vi ofs tilreddom, at
"föksia Idher Nadh, singom vi budh oc breff aff Tune Magnusson um
"en stor resning the Rytzer uprest laffua mot thenne lands åhden,
"som vi och formodhum at thet och Idher Nadh är väl vitherliget,
"huefs the nest forlidhen tiidh branth och skinnadh haffva Jeskis och fle-
"re andre fökner i Carelien." Apud *LAGERBRING Saml. af Handl.*
&c, P. II p. 272; cfr. supra p. 575 not. (599).

Inter gesta autem Episcopi nostri Politica vere commemorari meretur, quod non modo pro patria contra Russorum impetus defendenda vigilavit, sed etiam urbium nostrarum sublevandarum curam benignam fovit. Exemplo est Privilegium quod urbi Raumœnsi a. 1476 impertivisse dicitur (608).

R. Christiani I in Finlandiam quæ porro fuerint merita, ex iis quæ supra attulimus, judicium fieri potest: quibus addi possunt privilegia urbi Raumœnsi (a. jam 1461) ab eo data (609). A Papa autem jus sibi acquisivisse repetimus, pro se & successoribus suis, præsentandi personas idoneas ad Præposituras vacantes Lundensem, Uptalensem, Slesvicensem, Aboensem, Lincopensem & Aarhusensem (præter Archidiaconatus & Decanatus aliquot), ita tamen

ut

(608) Collect. Palmshöld. N:o XIV Topogr. T. LVIII, p. 716, & Disp. Dni M. Sven Mellentii om. Sjösladen Raumö (Præst. Cel. BIEMARK Aboæ 1770 ed.) P. I p. 11, ubi ex apographo admodum viciose typis impressum legitur (sic pro Sten Sture legitur Stins Str. &c.) neque compendiis scriptioñis, plenis literis, ut decuit, explicatis. Privilegium autem hoc, non ab Episcopo nostro solo profectum est, sed a summi Magistratus, imperium tum apud nos administrantis, delegatis, Proregis & Senatus Regni nomine, esse datum, ipsa inspectio ejus statim docet: quoniam nomen Episcopi primo occurrit loco, more temporis, quo Senatorum laicorum, ac ipsius etiam Proregis, dignitas Episcopis postponebatur. Porro RHYZELIUS dicit (præcente auctore anonymo, qui Hypomnemata in Juosteni Chron. Episcopor. Finland. scripsit, MSS. scriptus nobis commemorata), Episcopum nostrum Gratia vallenibus jura civitatis & privilegia a R. Carolo acquisivisse: quæ nos quidem non vidimus, nec habet Auctor Disp. De Cœnobio Nadhenadal, supra laudata, qui contra, adductis literis R. Christophori (a. 1741 & 1743 datis) demonstrat, jura urbica (Köpstads rätt) Nadhendalenibus jam tum fuisse concessa.

(609) Collect. Palmshöld. I. c. p. 714; Disp. om. Sjösladen Raumö I. c. p. 10. Nadhendalenibus etiam fuisse, ex literis a. 1457 datis colligitur: v. DALIN I. c. §. 3. p. 744 not. (f).

ut Romanæ sedis confirmatio oculis expeteretur (610); quo jure utrum deinde Regibus semper uti licuerit, nobis non constat.

Postquam, mortuo R. Carolo, Regni administratio ad Stenonem Sture pervenisset, qui Fenniam ille quoque aliquoties adiit (611); cum eo fida Episcopo nostro intercessisse amicitia videtur.

(600) De hac Arce (quæ illo nomine in honorem S. Olavi primum fuit insignita) ejusque initiis, confuse admodum scribit Nobil. von STIERNMAN, Hötd. Minne II Del. VII Bok. 1 §. (vid. Fol. Hebd. Ab. a. 1785 Append. p. 224 sq.); illam fuisse olim dictam *Landscrona*, & a. 1300 a Regni Mareschallo *Thorkillo Canuti* conditam, anno vero sequenti a Russis expugnatam; quarum rerum testem laudat *Ericum Olai*. Facile patet, quæ de Castro *Landscrona* a *Thorkillo* in fluvio Newa ædificato Historici veteres narrant, (cfr. LAGERBRING Svea R. Hist. 2 Del. 17 C. 11, 12 §§. p. 675 sqq.), ea ad castrum *Olaffsborg* (inter lacus

(610) Vid. A CELSE Apparat. ad Hist. Sveo-Goth. Sect. I p. 203 sq.

(611) Anno 1472 in Judicio Regio Aboæ habito præsens fuit (*sanhæ Olaff's apton*, b. e. die 28 Julii) *Registr. Eccles. Ab.* Fol. 138, 232. Eodem anno libertatem (Frälserätt) prædiis quibusdam Ecclesiæ Cathedralis concessit, literis datis Nadendal in crastino S. Petri ad vincula (Ibid. Fol. 34). A:o 1476 Privilegia Raumönsium confirmavit, in Castro Aboensi, die crastino Diui Petri (cfr. supra p. 579 not. 608) A:o 1478 Aboæ predium suum Mäkinpää, in paroccia Sagu situm permutationis jure in *Dominum Wilhelnum* (Junker Willum) nescio quem, suosque cohæredes, transtulit (lb. Fol. 275 sq.) Cæterum constat, Pro regem hunc Arces plerasque Fennicas ab *Erico & Ivano Tottiis* a. 1470 accepisse, ac illi rursus 1472 commissas, non sine magna difficultate a fratribus ejus recipere postea valuisse. Cfr. MESSENIUS Schond. T. IV. p. 31, 34, 39, 40, 41, 44. & Chron. Rhythm. Majus p. 519 sqq.

cus *Haukivesi* & *Ruokovesi*) in Savolaxiæ parœcia *Såäminge* situm, temere trahit, quod priori illo nomine appellatum a veteribus unquam fuisse, nobis quidem haud constat (612). *Nyflogg* autem, hoc est *Arx Nova*, (ut *Wiburgo*, altero ejusdem provinciæ castro, ætate recentior), postea vocari cœpit: quod nomen, vetustiori illo sensim obfolescente, usū tandem solum invaluit. Cæterum, licet hanc arcem anno demum 1477 plene muniam atque perfectam fuisse, recte asserat *MESSENIUS* (l. l. c. c.), tamen jam (biennio) antea fuisse e ligno priuum ædificatam, sed postea curatius atque validius structam, e literis discere licet conditoris *Erici Tott*, quarum fragmentum (e *Collect. Palmesköld. N:o XIV Topogr. T. 61 Carel.* p. 191 exscriptum) inferendum curavimus *Foliis Hebdom. Aboënsibus a. 1793, N:o 15 p. 2. Locum i. insulam ubi condita fuit, eo tempore ad parœciam *Jockas* pertinuisse (cui adhuc *Såäminge* subiacuisse videtur), ex sequentibus verbis *Fragmenti Palmeskoldiani*, (quibus illud finitur), colligere licet: *Hujus (Episcopi Contradi) tempore castrum Olaffsborg in Jokas propter Ruthenorum furorem erigitur, & oppidum Wiburgense (muro cingitur &c).**

De ipso auctore hujus operis, pro usu ejus temporis sane utilissimi, *Erico Axelii (Tott)*, quædam supra at
E e e e tu.

(612) Dicit quidem *MESSENIUS Schond. T. X p. 21*: "1477 Arx Nova seu *Lanscrona* vel *Burgum dicta S. Olai*, ab *Erico Axelssonio*, *Finlandiæ dynasta* ædificatur in *Savolaxia*"; qui similiter in *Chron. Rhythm. Finland. p. 39* canit: "Nyflogg i Savoland bygger (Eric Axelsson), - *Lanscrona* och sanct Olufsborg Det kallar." Sed quo nixus fundamento hæc scriperit, ignoramus. *Schondiae suæ T. IV p. 38* simpliciter habet: "Anno 1477 Areem *Finlandiæ Novam*, alias *Munitio-*"new *Sandi Olai* nuncupatam, *Ericus Axelii -- magis firmavit;*" que ultima verba innuunt, etiam antea aliquam ibi munitionem, minus licet validam, fuisse? De qua re mox.

tulimus, p. 539 sqq, (613): plura habentur apud Nobil. von STIERNMAN *Höfd. Minne* P. I p. 14 & 101, P. II, L. V, C. 2, & L. IX, C. I (*Fol. Hebd. Aboëns.* a. 1785 Append. p. 196, 202, 224 sq, 234; Cfr. *Chron. Rhythm. Majus* p. 519 sqq. von DALIN l. c. p. 781 (614). Quod autem Auctor noster illum vocat *Ericum Absalonis*, (cum Pater tamen suus *Axelius* esset non *Absalon*), ex pravomore ejus temporis provenit, quo nomina Gothica in alia notiora, maxime Biblica, quæ cum iis aliquam soni similitudinem habere viderentur, commutare solebant. Quam ob rem nostrum eo minus reprehendere debuit Nobil. von STIERNMAN (vid. *Fol. Hebd. Ab.* l. c. p. 225 not.) quod ipse in Operis sui (*Höfd. Minne*) *Parte Priore* (p. 101) observat, famosum illum Magnatem in Sigillo suo appellari *Ericum Absalonis*, quomodo etiam vocari in Indice fratrum *Confraternitatis Trium Regum* supra (p. 476) vidimus.

ppp) Quamvis Arx, bene munita, inter validissima Regni propugnacula diu jam habita fuisset, Urbem tamen muro hactenus caruisse, vel ex hoc loco patet: unde, quod de impune spoliata a. 1411 a Russis hac urbe, veterem annotationem prodere vidimus, (supra p. 410), facile ex-

(613) Ubi p. 541, not. 548, verba & *Olofsburgenibus*, quæ temere irreplerunt, expungenda sunt; nam circa a. 1457 *Olofsburgum* nondum exstructum erat.

(614) Iis quæ ex *Registro Eccles. Ab.* ad Nob. STIERNMANN Catalogum Praefectorum Finland. (*Fol. Hebd. Aboëns.* l. c. p. 203) addidimus, adjungi adhuc potest, quod in *Profesto b. Margaretæ virginis & martiris* (d. 13 Julii) datis, quibus in favorem Henrici Tavast duobus prædiis suis immunitatem a tributo regio (Frälse-frihet) impertit, sese ipse vocat Riddare och Sverigis Rikis Forestandare på then tiidh (*Registr. Eccles. Ab.* Fol. 240); & in literis quibusdam privatis a. 1464 vocatur Hoffmästare i Sverige (ib. Fol. 216).

explicatur. Cæterum de urbis ipsius ortu atque incrementis, parum scimus; nisi hoc, ob situm loci commodum commerciisque faciendis aptum, & præsidium ab Arcis vicinia speratum, maturè habitari cœpisse (615). Fata autem ejus persequi, ad nostrum jam non spectat institutum. Sed quod supra (p. 53, not. 22) nos mirari diximus, unde Nobil. STIERNHÖÖK & post eum multi alii, turpem hauserint errorem, quo Privilegia huic urbi a Rege jam *Erico sancto* concessa fuisse assertunt, atque opportunitatem postea naeti sumus ipsa hæc Privilegia, ex *Collectione Palmkéldiana* (N:o XIV Topogr. T. 61 *Caralen*, p. 349 & 351) describendi: eadem hic subjungere placet (616), ut lector intelligens judicare queat, quam

E e e 2

pu-

(615) Anno jam 1318 extitisse Wiburgi Monasteriæ Dominicanorum, scribit RHYZELIUS Monasteriol. p. 309, atque in ejus asserti fidem ad Testamentum provocat Ducum *Erici & Waldemari* hoc anno conditum. Id quidem oculis ipsi non usurpavimus; sed apud Dn. LAGERBRING, qui bis illud diligenter recenset, (Sv. R. Hift. III Del., I C. 56 §. p. 139, & 55 C. 9 §. p. 536 sq.), Wiburgi nulla occurrit mention; Fratrum tamen Prædicatorum Wiburgensem, posteriori ætate, monumenta nostra, ut vidimus, haud dubiam faciunt mentionem.

(616) K. Erichs som kallades den Helige, fordom Sveriges Könungs Privilegier för Wiborgs Stad, gifne uppå thet år när man skref efter vår Frälsares och återlösars näderika födelse 1103,

"Jag Erich med Guds nade Sverigis &c. Konung, kunnogt giörom
"thet med thetta vårt öpne Bref allom mannom, svä the nu åre, som
"the här efter komma skule, at vij hafvom undt och gifvit våre Borge-
"re, som byggia och boo i vår kiöpstadh Wiiborg stadtz rätt, efter ty
"som Stadz Boken i Upsalom uthvíifer. Ty förbiudom vij allom vä-
"re Fougedom och Embetzmannom, och allom androm choo the hälst
"ähre, at hindre them i någre metto här emot, så framt the villie vår
"bylle haffue och vår hambd fly. In evidentiam præmissorum secretum
"nostrum præsentibus duximus appendendum."

Infantiam Artis Criticæ & Diplomaticæ prodat summam, qui turpissi-
mis, quibus hæliteræ scatent, vitiis non offendatur, Lingua, stilus, lo-

putida vel fraus vel ignorantia eadem vel fabricaverit vel corruperit, quamque exiguum igitur fidem mereantur (617).

qqq) De funesto hoc incendio, Historiae vetustiori terrae nostrae admodum fatali, merito conqueritur MESSENIUS

quendi formulæ, ab ingenio & moribus seculi XI abhorrent. Cujus generis fuit *Liber Urbicus Upalensis* (*Stadz Boken i Upsalom*), cui conformanda essent jura municipalia civium Wiburgensem? Aut quis de tali libro aliquid unquam inaudivit? Cogitaveram aliquando, ab *Erico* forsan *Magni* filio, qui a. 1:57 Finlandiam adiit, Privilegium tale Wiburgensibus fuisse impertitum: sed exemplum ipsum literarum omnifidei repugnat. Cum nulla temporis nota adjecta sit, unde inepta illius epigraphes auctor didicit, *Ericum* sicutum intelligi debere? aut unde annum, quem Chronologiae omni adversum apposuit 1103, hausit? Sed non attinet hæc pluribus expendere.

(617) Fatetur Dn. STIERNHÖÖK hæc privilegia *suspecta* videri posse, nisi *Gustavo I* & *Carolo IX* pro authenticis agnita & confirmata essent (*De Sjöre Sveon. & Gothor. vetusto* L. I. C. I. p. 20). Non sunt nobis ad manus literæ Regis hæc confirmatoriaæ, quæ in *Collect. Palmsk.* (l. c.) illæ quoque habentur. Sed nihil probare posse aliud putamus, quam siue fraudem siue oscitantiam hanc recentem non esse: Annotatio PALMSKÖLDII de hac re talis est (p. 287): Denne stadh (Wiborg) är "af fr. infarne Sverige Konungar och Föreständare medt många härlige "Privilegier tiid efter annan begäfvad, hvaribland dæsse finnas ånnu för ti- "den vid handen (apographa, quorund m saltem?), naml. K. Erichs den "Heliges 1103 (!), K. Birgers 1316, 1 Octobris, Albrechts 1365, Herr "Carl Ulfssons och Knut Carlsons Riddares af Thyftom 1387, Hemming "Gaddis elekti til Linköping 1520, K. Erichs af Pommern 1443, K. Carl "Knutsons 1449, K. Göstafs I, 1542, 17 Augusti, 1547 2 Martii, 1552, "3 Dec. K. Johan II:s 1569, 8 Aug. K. Sigismunds 1594, 9 Julii, K. "Carl IX:s 1600, 12 April, 3 Julii."

Regis autem Birgeri Privilegia quæ dicuntur, nihil aliud sunt quam literæ ejus datae in *Tninge* (die 11 Octob. 1316), de quibus supra (p. 217) commemoravimus, quarumque pritem legendam exhibet Nobiliss. LAGERBRING (*Sv. R. Hist. P. III C. I. §. 35 not. 3, p. 89 sq.*). Diligenter perpensas, ad urbem quidem Wiburgensem, quæ nondum ex-

Nius (618); jacturam vero hanc sese suo opere aliquatenus compensasse, parum & commode & modeste addit (619).

De urbis autem & templi Aboensis incendiis supra (p. 537, ubi bis 1448 pro 1458, per errorem irrepsit,) observavimus, illud quod a. 1458 tempore Olai Episcopi, ex fulminis ictu urbem afflixisse Auctor noster narrat (p. 25) & Messenio & Chronographo vetusto silleri; qui contra, *Conrado* fedente Episcopo ignem bis Aboæ noxam intulisse

E e e 3

lisse

stuit nihil pertinere, sed significare videntur milites victores, in veteres incolas terræ, castrum circumiacentis, turpem haec tenus licetiam exercuisse, atque in primis feminas ipsorum passim violassemus? contra quam potius petulantiam, quam contra veteres mores gentis victoræ, hujus feminis præsidium obtulisse, existimes? Cæterum exemplum quod ex *Collectione Palmjöldiana* (l. c. p. 353) nos descripsimus, initio truncum est, tempus datarum literarum exhibente, quod expressum videmus apud Dn. LAGERBRING l. c.

(618) In *Chron. Rhythm. Finland.* p. 38 canit: Men Bispeens flott "Kustö led nöd, Hvilket brändes allt upp i glöd; Kyrkiones gamla bref ockå, Som gömdne voro deruppå: Bispen upbygde det igen, Men ei de documenters men." Et in *Schond. T. X.* p. 21 scribit: "Castrum in Finlandia Kuustense (leg. Kuustense) cum omnibus ecclesiæ documentis Abogianæ concremantur." Quod, si ipsa scripta originalia spectes, non multum fortassis a veritate ab ludit. *Registrum* tamen Ecclesiæ Aboensis, quod etiamnum superest, apographa omnia haud periisse, demonstrat. Simplicius Auctor noster multa Privilegia & literas Ecclesiæ interisse dicit. Annum autem quo hæc calamitas contigit, a nostro non proditum, MESSENIUS ex conjectura definitissime videtur,

(619) *Schond. T. X.* p. 21. "Circa 1471 Arcem M. Conradus infrastraurat Kuukensem; monumentorum damna nequit; quæ tamen ego aliquatenus hoc libello compensavi." Literarum sane originalium jactura, illa quam Episcopus reparare nequibat, nec a MESSENIO resarciri potuit. Cæterum collegisse eum sparsa quæ supererant monumenta, ea consoluisset, atque ex iis seriem rerum quæ evenerunt contextisset, grata agnoscit posteritas.

lisse scribunt, anno nempe 1464 ex fulmine, Templum feriente (quod diversum ab illa calamitate quam Auctor noster commemorat, non videri significavimus), & a. 1473, solita hominum incuria. De hoc infortunio vetus Chronographus (quem aliquoties laudavimus): *Aboënsis civitas anno D:ni 1473 combusta ex incendio; unde hausit MESSENIUS (Scb. X. p. 21).*

1^o) Inscriptionem lapidi ejus sepulcrali (qui jam periret) insculptam, servavit nobis diligentia Nobil. BRENNERI; eam talem recte exhibet Rev. RHYZELIUS: *Sepulcbr. Venerabilis Patris Domini Conradi Episcopi Aboënsis Anno CIO. CD. LXXXIX: D. 13 Martii.* Unde corrigenda est quam minus accuratam dedit *Chron. Episcopor. Spegelianum*, in vita nostri.

Supersunt quædam, Auctori nostro non tacta, de statu Ecclesiæ & Civitatis in Fennia, quamdiu utriusque gessit curam Episcopus *Conradus*, pro instituto nostro breviter commemoranda.

Primum *Cenobiis*, quorum quidem certa superest memoria, VI patriam hanc nostram hoc jam ævo fuisse vel instructam vel gravatam, reperimus: horum novissima nunc demum accessisse videntur. I. *De Aboënsi (S. Olavi)*, Dominicanorum, omnium in his terris antiquissimo, aquæ liquories jam commemoravimus (620), in ea parte urbis sito quæ hodieque appellationem inde retinet (621). 2. *De Nå-*

(620) P. 209, 213, 237 sq. 297 sq. 408.

(621) *Klofret*, *Klofser-qvarteret*, *Klofster-gatorna*. Rudera nulla, ac vix vestigia (quæ non longe abhinc tempore, spectare adhuc licuit) jam superflunt,

Nådendalensi, Birgittinorum, & Fratrum & Sororum, etiam satis pro nostro consilio, diximus (622). 3. *Raumoëns*, Franciscanorum, etiam illud jam ante hanc ætatem floruisse, indubium est; licet nonnisi pauca, præter ea quæ Rev. RHYZELIUS tangit, ejus hodie supersint vestigia (623). 4 & 5. *Wiburgensium* alterum Dominicanorum, alterum Franciscanorum fuit: utriusque meminerunt in testamento suo nuper indicato (a. 1453) *Henricus Clausson* & conjux sua *Lucia Olavi* (Fol. Hebd. Ab. l. c.). Illud vero monasterium anno jam 1450 prædia posledisse, ex literis supra (p. 525 sq. not.) allatis constat (cfr. etiam p. 583 not. 615). *Hoc*, sive *Franciscanorum*, anno demum 1481 (adeoque *Conrado Ecclesiam Fennicam gubernante*) exstructum fuisse, ex inscriptione ei addita demonstrat RHYZELIUS (l. c. p. 310 sq.). Singulare autem est, quod fide ÖRNHJELMI idem adjicit: Capitulum Provinciale hujus ordinis ibidem a. 1486 habitum fuisse, a *Ministro* (?), Reverendo Doctore (Dno?) *Magistro Stephano?* 6 *Kökarenfis*, Franciscanorum (ut putatur), adeo incerta ætas est, ut an nostro *Conrado* superior fuerit, definire haud valéamus: cf. RHYZELIUS l. c. p. 301 & 305: qui anno 1485 huic Cœnobio, *Conradum Hartvici* pro sua uxorisque suæ anima, prædium & agros testamento dedisse narrat, cuius exemplum ubi lateat, ignoramus: aliud fuisse oportet, quam *Testamentum a.*

1484

(622) Supra p. 407 sq. 450 sq. 486 sqq. 549 sqq.

(623) Cfr. Disp. Dni MELLERII supra cit. (om *Sjöstadens Raumo*) P. I p. 14 sqq. In testamento *Henrici Clausson* (*Dieken*) uxorisque sua *Luciae Olavi* (a. 1453 d. 7 Mart.) cuius meminit Nobil. von STIERNMAN Höfd. Minne P. II, L. VIII C. 2 (vid. Fol. Hebd. Ab. a. 1785 Append. p. 193) frumenti portio Claustro etiam Raumoënsi legatur. At in alio testamento ejusdem *Luciae Olavi* (scripto d. 25 Maii 1451, RHYZELIO, Monasteriol. p. 300 commemorato, (qui tamen male illam Cœnam vocat)), frumentum huic Claustro similiter tribuitur.

¶484 a viro eodem conditum, quod in Fol. Hebdom. Aboënsi. a. 1784 (p. 257 sqq.) legitur, quoque non nisi certam frumenti pondus eidem huic Cœnobio legavit.

Addit his duo præterea Monasteria Rever. RHYZELIUS, quæ in Finlandia nostra olim floruisse atque Sotoribus sive Virginibus fuisse consecrata, dicit: nempe Aboënsi, quod ad Ordinem S. Dominici pertinuisse putat, & Corosense, non longe ab eadem hac urbe situm. Sed neutrius existentiam idoneis posse argumentis probari, existimamus.

Quod ad Aboënsi illud attinet, neque mentionem ejus ullam in veteribus factam monumentis reperimus, neque locum ejus in urbe, ulla fama indicavit. VASTOVII testimonium, æque parum ac RHYZELII auctoritatem, ad utriusque confirmandum assertum sufficere, supra (p. 358 sqq. not. 312 & 313) observavimus: ac si vere ab Episcopo Joanne Petri illud fuisset institutum, ab Auctore nostro vix credas, in meritis ejus, silentio potuisse prætermitti? Quod autem addit RHYZELIUS, de prædiis Testamento a *Mattbia Olavi*, Curato in Jomala, a. 1414, & a *Cecilia Philippi*, Vidua Nicolai Kurck, huic Cœnobia virginum legatis; rem adhuc magis turbat. Nam posterius quidem hoc legatum, non Cœnobia Virginum Aboënsi (ante LX annos condito) sed monasterio S. Annae Resoënsi, nuper inchoato, a. 1433 aut 1434 relictum fuisse, aliunde discimus (624). Unde RHYZELIUS ipse subjungit: "Thet hafver man ock funnit, "at thetta kloster" (Cœnobium Virginum Aboënsi, a. 1370 conditum?) varit nämndt S. Annae Kloster; men om thes be-

(624) v. STIERNMAN Höfd. Minne V B. & C. (Fol. Hebdom. Ab. 1785 Append. p. 191): ex cuius tamen verbis haud liquet, utrum testamento hoc a. 1433 an 1434 scriptum fuerit?